



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Internal Affairs

Broj: 01-9-504/23  
Sarajevo, 18.12.2023.godine

**SKUPŠTINA KANTONA SARAJEVO**  
n/r predsjedavajućeg Skupštine

**PREDMET:** Odgovor na zastupničko pitanje zastupnice Arijane Memić- dostavlja se:

**VEZA:** Vaš akt broj:01-04-46892-4/23 od 15.11.2023. godine:

U skladu sa članom 219. stav 3. Poslovnika Skupštine Kantona Sarajevo ("Službene novine Kantona Sarajevo"- Drugi novi prečišćeni tekst br. 41/12, 15/13, 47/13, 47/15 i 48/16), dostavljamo odgovor na zastupničko pitanje zastupnice Arijane Memić, pripremljen od strane Uprave policije Ministarstva unutrašnjih poslova Kantona Sarajevo.

S poštovanjem,

**Prilog:**

-Akt MUP, Uprava policije broj:02/1-3-110/23 od 11.12.2023. godine,  
-CD x1.

**Dostaviti:**

1. Naslovu;
2. Stručna služba Vlade Kantona Sarajevo;
3. Za objavu na web stranici Ministarstva;
4. a/a.





Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Internal Affairs  
Police department

Broj: 02/1-3-110/23  
Datum: 11.12.2023. godine

**MINISTARSTVO UNUTRAŠNJIH POSLOVA**  
-n/r Sekretara ministarstva

**PREDMET: Zastupničko pitanje, odgovor, dostavlja m o.-**

**VEZA: Akt Skupštine Kantona Sarajevo broj 01-04-46892-4/23 od 15.11.2023. godine.**

U vezi akta broj i datum gornji, u prilogu Vam dostavljamo odgovor koji se odnosi na zastupničko pitanje, postavljeno na Jedanaestoj radnoj sjednici Skupštine Kantona Sarajevo održanoj dana 15.11.2023. godine od strane zastupnice Arijane Memić.

**S poštovanjem,**



**POLICIJSKI KOMESAR**  
Generalni inspektor policije

[REDACTED]  
**Rafnar Hajdarević**

U vezi akta broj 01-04-46892-4/23 od 15.11.2023. godine, dostavljamo vam odgovor na zastupničko pitanje zastupnice Arijane Memić, i to:

“Polijski službenici postupaju u skladu sa Zakonom o zaštiti od nasilja u porodici F BiH (“Službene novine Federacije Bosne i Hercegovine broj 20/13”) i Pravilniku o načinu provođenja zaštitnih mjera za počinioca nasilja u porodici koje su u nadležnosti policije (“Službene novine Federacije Bosne i Hercegovine broj 19/14”).

Kada policijska stanica zaprimi rješenje nadležnog suda za provođenje zaštitne mjere zabrana približavanja žrtvi nasilja u porodici, rukovodilac iste određuje voditelja mjere. Po dobijenom rješenju o izrečenoj navedenoj zaštitnoj mjeri voditelj mjere bez odgode provjerava sigurnost žrtve nasilja, prikuplja potrebne obavijesti o tome, da li se počinioc nasilja ponaša u skladu sa izrečenom zaštitnom mjerom. Voditelj postupka žrtvu poziva na saradnju radi uspješne provedbe zaštitne mjere, te podučava žrtvu o mjerama i sredstvima njene samozaštite, važnosti postupanja po preporuci za privremeno zbrinjavanje žrtve u sigurnu kuću u slučaju osnovane opasnosti po sigurnost žrtve i načinima međusobnog komuniciranja za vrijeme trajanja provedbe zaštitne mjere.

Također, voditelj mjere sa žrtvom dogovara i razrađuje primjenu plana postupanja žrtve kada joj prijete opasnost od počinioca ili druge osobe, koja postupa po njegovom nalogu, način pružanja pomoći žrtvi od strane njene rodbine, koji na vrijeme mogu spriječiti počinioca nasilja da ugrozi sigurnost i zdravlje žrtve. Voditelj mjere radi procjenu ugroženosti mjera zaštite i plan provođenja zaštitnih mjera.

Na osnovu izrađene procjene ugroženosti, izrađuje se plan provođenja izrečene mjere. U izradi ovog plana učestvuje i organ starateljstva, te predlaže mjere i radnje iz svoje nadležnosti. Organ socijalnog starateljstva sačinjava socijalnu anamnezu porodice, daje stručno mišljenje psihologa, pedagoga, socijalnih radnika i sl. Ove podatke organ starateljstva dostavlja policijskoj upravi u roku od 48 sati od upoznavanja sa zaštitnom mjerom. Voditelj mjere jednom sedmično provjerava da li počinioc postupa u skladu sa izrečenom zaštitnom mjerom.

Mjera zabrane približavanja žrtvi nasilja u porodici provodi se tako što se odmah bez odlaganja po prijemu rješenja suda od strane policije pozove počinioc nasilja i detaljno se upozna o mjestima i prostorima na koja ne može dolaziti tokom provođenja mjere, kao i to da se ne smije približavati žrtvi na udaljenost koja je određena rješenjem suda, te o mjerama koje će biti preduzete protiv njega ukoliko ne bude poštovao utvrđene zabrane.

Ako se počinioc nasilja zatekne u prostoru koji mu je rješenjem suda zabranjen treba biti upozoren na potrebu poštivanja zabrane koja je utvrđena rješenjem suda i na posljedice.

Ako žrtva nasilja ili neko drugo lice dojavu da počinioc nasilja ne poštuje mjeru zabrane približavanja, policijski službenici su dužni odmah izaći na lice mjesta, te narediti počiniocu nasilja da napusti prostor u kojem se žrtva nalazi bez obzira da li je do takve vrste kontakta došlo slučajno ili namjerno.

Ukoliko postoji saznanje da počinioc nasilja ima namjeru postupiti protivno zabrani utvrđenoj u rješenju suda ili da ugrozi sigurnost i zdravlje žrtve, odmah se mora raditi na pronalasku počinioca nasilja i upozoriti ga na posljedice tog ponašanja.

Povodom ovakvih okolnosti policijski službenik je dužan preporučiti žrtvi nasilja privremeno zbrinjavanje u sigurnu kuću ako procjeni da je to opravdano zbog postojeće opasnosti.

U slučaju da počinioc nasilja krši zaštitnu mjeru zabrana približavanja ili odbije da izvrši naređenje policijskog službenika da napusti prostor, isti bude lišen slobode, te uz zahtjev za pokretanje prekršajnog postupka predat nadležnom sudu koji istom može izreći novčanu kaznu u iznosu od 1.000,00 KM do 1.500,00 KM zbog nepostupanja po izrečenoj zaštitnoj mjeri.

Kod provođenja zaštitne mjere zabrana približavanja žrtvi nasilja u porodici članom 29 stav 4. i 5. Pravilnika o načinu provođenja zaštitnih mjera za počinioca nasilja u porodici koje su nadležnosti policije, žrtva ima pravo, ukoliko okolnosti upućuju na to da bi počinioc nasilja, uprkos upozorenju, mogao prekršiti zaštitnu mjeru, na pružanje neposredne policijske zaštite dok postoji opasnost po njeno zdravlje i sigurnost. Ova vrsta zaštite ovisno od utvrđenih okolnosti provodi se stalnim ili povremenim policijskim patroliranjem ili zasjedom na mjestima i prostoru u kojima se kreće žrtva nasilja.”